

Biblia para na maga Bata
ta presenta

El Nacimiento de Jesus



Ya Escribe Si: Edward Hughes

Ya Ilustra Si: M. Maillot
Alastair Paterson

Estaba con: E. Frischbutter; Sarah S.

Ya Traduci El: www.christian-translation.com

Ya Produci El: Bible for Children
www.M1914.org

©2021 Bible for Children, Inc.

Lisencia: Tiene tu derecho copia y emprenta este storia,
pero nuay tu permiso bende con este.



Cuantos anyos ya que ya pasa, ya imbia El Dios con el anghel Gabriel con el un bonita dalaga Judio y su nombre si Maria. Ya habla con ele, "Tu hay tiene anak y llama tu con ele Jesus. Hay llama con ele como El Hijo del

Dios bien Poderoso. Ele hay reina hasta para cuando."



"Paquemodo este?" estranyaw ya prigunta el dalaga. "Nuay pa gane yo marido." El anghel yah abla con Maria el bata hay llega desde con el Dios.

Nuay Le tata como un hente.



El anghel ya habla con Maria cay el su prima si Elizabeth hay tiene tambien anak maskin de behes ya le. Este tambien es un milargro. Despues, si Maria ya bisita con Elizabeth. Sila hunto ya adora con el Dios.



Si Maria
preparao ya era
para casa con
Jose. Si Jose
ya keda triste
cuando ya sabe
le que si Maria
prinyada ya.
Pensaba le tiene
otro tata.



Na sueño, El Anghel del Dios
ya habla con Jose que este
bata amo el Anak del Dios. Si
Jose debe ayuda con Maria
cuida con Jesus.



Si Jose con confiansa y ta obedece con El Dios. Ta obedece tambien ele con el ley del su barrio. Por causa con este nuevo ley, ele y si Maria necesita desaleja na di illa casa,



na Bethlehem para paga di illa impuesto.



Ta aserca ya el
nacimiento del anak de
Maria. Pero si Jose nu
pwede incuntra cuarto
maskin donde.
Lleno todol casa
de arkela.



Finalmente, ya incuntra cuadra si Jose. Alya ya nace el Bata si Jesus. De su nana ya pone con ele na lugar donde ta pone compay para comida del maga animal.



Hinde bien distancia, el maga pastor ta guarda con
el di illa maga carnero que ta durmi. El anghel del
Dios ya aparece canila y ya habla
el bien
bonito
noticia.



"Tiene un nuevo nacido este dia na ciudad de David,
El Salvador, ese amo el Cristo y El Señor.
Hay encontra ustedes con ese bata

acustao
na lugar
donde
ta pone
compay."



Derepente, monton de maga anghel bien
brillante ya aparece, ta alaba con el
Dios y hablando, "Gloria con el Dios

na Cielo y
paz

para na mundo,
buen noticia
para na maga
hente."



Ya apura el maga pastor para na
cuadra. Despues que ya mira sila con
el bata, ya habla sila con todo cosa
ya habla el maga anghel por causa
con Jesus.



Despues el corenta dia, si Jose y si Maria ya lleva con Jesus na templo de Jerusalem. Talya el un hente nombrao como si Simeon ya alaba con El Dios para na bata, mientras el byeha si Anna, servidora tambien del Señor, ya dale gracia.



Todo sila sabe que
si Jesus amo el Hijo
del Dios, el ya
promete Salvador.
Si Jose ya manda
sacrificia dos
pajaro. Este le el
ya ofrece como el
Mandamiento del
Dios hablando que
el maga pobre hay
lleva cadavez
presenta sila con el
bata nuevo nacido
con el Señor.



Mientras tanto,
un especial estrella
ya guía con el maga
hente de saber
desde lugar
na este

para sa Jerusalem. "Donde
este Bata ya nace para
keda Rey de mga Judio?"
ya pregunta sila. "Quiere
kame adora con Ele."



El Rey Herodes ya
uwi por causa con este
maga Hente de Saber.
Destorbao, ya pidi le
que informa tambien
con ele si hay incuntra
sila con Jesus. "Quiere
tambien yo adora con
Ele." Habla si herodes.
Pero ele ya nega.
Cay si Herodes
quiere mata
con Jesus.



El estrella ya guia con el maga Hente de Saber exactamente na casa de Maria y Jose donde sila ta keda hunto con El Bata. Na di illa adoracion ya hinca este maga byahero y ya dale con Jesus el di illa maga regalo de riqueza como oro y perfume.



El Dios ya dale abiso con
el maga Hente de Saber
que bolbe na di illa casa
secretamente. Bien rabiao
si Herodes. Determinao
destrosa con Jesus, el mal
custumbre governador ya kaba

mata
con
el
maga



bata na Betlehem.



Pero si Herodes nu
pwede mete con el
Hijo del Dios! Por
un abiso na sueño, si
Jose ya lleva con
Maria y Jesus para
proteje na Ehipto.



Cuando ya muri si
Herodes, si Jose ya
lleva con Maria y
Hesus apuera na
Ehipto.



Ya queda sila na un
duitay barrio de Nazaret,
serca na mar de Galilea.



El Nacimiento de Jesus

El Estoria Del Palabra Del Dios, El Biblia

hay pwede encuntra na

Mateo 1-2, Lucas 1-2

"El frontera del Tu Palabra ta dale luz."

Psalm 119:130



El Fin



Este estoria de Biblia ta conta canaton paquemodo de adorable el Dios kien ya hace canaton y quiere Le que conose tu con Ele.

Sabe El Dios que manda maldad kita que ya hace, y ta llama este Le pecado. El sentencia del pecado amo el muerte, pero cay ta ama canaton el Dios, ya imbia Le con el de Su Unico Hijo, si Hesus, para muri na cruz y sentencia con Ele para na di aton pecado. Y si Hesus ya vivi otravez y ya bolbe na Cielo! Si ta cre tu con Hesus y pidi tu con Ele perdona de tu pecado, hay hace Le se! Hay bene Le, y esta hunto contigo aura, y tu hay vivi hunto con Ele hasta para cuando.

Si ta cre tu coneste verdad, habla tu este con el Dios: Dios mio Hesus, Ta cre yo que tu el Dios y ya queda hente para muri por causa na di amon pecado, y aura Tu ya vivi otravez. Favor entra Tu na mi vida y perdona conel di mi maga culpa, para iyo hay tiene nuevo vida aura, y un dia man hunto contigo hasta para cuando. Ayuda comigo obedece Contigo, y vivi Contigo como de tu anak. Amen.

Leh con el Biblia y conversa con Dios todol dia! Juan 3:16

